

# **Landesbibliothek Oldenburg**

**Digitalisierung von Drucken**

**Modesta Inqvisitio In Novam Dogmatis De SS. Trinitate  
Explicationem Qvam Vir Cl. PavlvS Maty Nvper Proposvit**

**Mosheim, Johann Lorenz von  
Helmstadii, [MDCCXXXV?]**

**VD18 12377929**

Widmung

**urn:nbn:de:gbv:45:1-16545**

AVGVSTISSIMO ATQVE POTENTISSIMO.  
PRINCIPI ET DOMINO.  
**GEORGIO SECVNDO.**  
MAGNAE BRITANNIAE FRANCIAE ET HIBERNIAE  
REGI.  
FIDEI DEFENSORI.  
BRVNSVICENSIVM AC LVNAEBVRGENSIVM  
DVCI.  
SACRI ROMANI IMPERII ARCHITHESAVRARIO  
ET ELECTORI.  
CETERA.

A SANCTIORIBVS CONSILIIS REQVE  
PVBLICA IN TERRIS ELECTORALIBVS  
ADMINISTRANDA.

**ILLVSTRISSIMIS**  
ATQVE  
**EXCELLENTISSIMIS**  
**VIRIS.**

**PATRIBVS PATRIAE**  
**CONSCRIPTIS.**  
MVSARVM PATRONIS LONGE INDVL-  
GENTISSIMIS.

**DOMINIS SVIS GRATIOSISSIMIS.**  
TENVEM HVNC INGENII SVI FOETVM DEMISSA MENTE  
CONSECRAT  
**FRID. WILH. HANNIBAL.**



VIRI ILLVSTRISSIMI ATQVE  
EXCELLENTISSIMI  
DOMINI GRATIOSISSIMI

**C**onsilium, quod cepi, rude hoc opu-  
sculum ad VOS instituendi, si  
temeritatis nota multis haud ca-  
rere videbitur, VOBIS tamen haud  
displi-



displicebit, quia pietatis non minus, quam  
animi aeternum VOBIS devincti in-  
stinctu nititur. Flagitabant a me du-  
dum VESTRA meas literas iuvandi  
studia publicum aliquod gratae mentis  
testimonium: at tardum me ambiguum-  
que virium mearum, quarum infirmita-  
tem sensi, effecit consideratio. Di-  
gnum enim quod VESTRIS nomini-  
bus inscriberetur, nihil esse noveram,  
nisi perfectum atque cum cura elabora-  
tum: talem vero operam, arrogans sim,  
si a me expectari posse crederem. Qua-  
re satius silere duxi, quam parum lima-  
tas & stylo tenui exaratas VOBIS  
paginas dicando, in reverentiam pecca-  
re, quam VOBIS debeo. Sed exci-  
tavit tandem vacillantem animum au-  
ctus indies mentem VOBIS obstrictis-  
simam profitendi ardor, & VESTRA,  
VIRI ILLVSTRISSIMI, quae  
dudum in admirationem omnes rapuit,  
X 3 erga



*erga mansuetiores Musas benevolentia  
atque humanitas.*

*Narrent alii vigilem VESTRAM  
in moderandis patriae rebus pruden-  
tiam: providam laudent curam saluti  
civium consulendi: iustitiam, benignita-  
tem, doctrinarum copiam, afflictis suc-  
currendi studium, ceterasque, quibus  
conspicui dudum estis, virtutes posterita-  
ti commendent. Mibi liceat amorem  
praedicare, quo scientias fovetis, iisque  
addictos. Hunc ecquid melius testabi-  
tur, quam indefessum illud studium,  
quod, **AVGVSTISSIMO REGE**  
auspice, in nova Musis sede paranda &  
egregie ornanda collocatis? Quanquam  
ne hoc quidem tam illustri testimonio opus  
est, quum tot huius VESTRAE bene-  
volentiae praecones sint, quot sua ipso-  
rum culpa indignos ea non effecit. Et  
verba me citius, quam VESTRI er-  
ga*



ga literas favoris exempla deficerent.  
Nolite igitur graviter ferre, VIRI IL-  
LVSTRISSIMI, me, licet nullius  
inter eruditos numeri, VESTRA ta-  
men humanitate fretum, rem etiam vi-  
ribus meis superiorem tentare, his-  
que studiorum meorum primitiis VE-  
STRVM expetere favorem conari.  
Accipite, quaeso, quā soletis, serena  
fronte has quoque plagulas; nec tamen  
ex illarum pretio animum, qui totus VO-  
BIS deditus est, metimini. Iuvenilis la-  
bor est, nec pro virium tenuitate argu-  
mento, quod tractat, respondet: hoc vero  
VOS dubitare nolo, pietate me nemini  
grataque mente secundum fore. Sum-  
mus humanarum rerum arbiter larga  
VOS honorum omnium copia beet, pro-  
spero semper successu VESTRA con-  
silia secundet, nec abesse unquam sinat,  
quae felices VOS ex omni parte redde-  
re, & sartam valetudinem VESTRAM  
te-



*tectamque in seros annos praestare pos-  
sunt. Haec precum & votorum meo-  
rum, dum vixero, non postrema pars  
erit, qui gloriae mihi ducam, si per VE-  
STRAM mihi benevolentiam licuerit  
esse*

VIRI ILLVSTRISSIMI ATQVE  
EXCELLENTISSIMI  
ILLVSTRISSIMORVM  
VESTRORVM NOMINVM

Dabam Helmstadii d. XXIX.  
Martii MDCGXXXV.

Cultorem devotissimum  
F. W. HANNIBAL.





IN NOMINE SS. TRINITATIS.  
PRAEFAMEN.

§. I.

**R**Em arduam omnino adgredimur & perdifficilem, qui coelestium veritatum basin, dogmata de SS. Trinitate, ab iniquis lascivientis rationis infidiis non ita pridem excitatis vindicare suscipimus. (\*) Sive enim argumenti, quod ingenii humani caput superat, gravitatem spectaveris, sive circumspectam, qua opus est in divinis rebus enarrandis, cautionem, sive denique adversariorum subtilitates rite debellandi difficultatem, multa undique sese offerunt, quae vix sine longo labore perfici posse videntur. Ea scilicet quum mysteriorum sit conditio, ut impervia rationi & ab ingeniiis hominum longe remota credenda nobis proponant, quid mirum est, vel illos ipsos interdum, qui aliorum erroribus

A bus

---

(\*) Digna, quae hic testemur, sunt verba Viri Summe Rev. D. VAL-ERN. LÖSCHERI in praenotionibus Theol. p. 264. graviter inquit: *Mysteria fidei actu reflexo inter se componere, & contra rationis corruptae machinationes munire, opus omnino & labor non levis est.*